



ՎԵՀԱՓԱՌ ՀԱՅՐԱՊԵՏԸ ՕԾՈՒՄ Է ՄԱՅՐ ՏԱՃԱՐԻ ԱՎԱԳ ՍԵՂԱՆԸ



ԵԿԵՂԵՑԻՆԵՐԻ ՀԱՄԱՇԽԱՐՀԱՅԻՆ ԽՈՐՀՐԴԻ ՊԱՏՎԻՐԱԿՈՒԹՅՈՒՆԸ ՍՈՒՐԲ ԷԶՄԻԱԾՆՈՒՄ ԵՎ ՄԱՅՐ ՏԱՃԱՐԻ ԱՎԱԳ ՍԵՂԱՆԻ ՕԾՈՒՄԸ

Վեհափառ Հայրապետի հրավերով, 1959 թվականի դեկտեմբերի 12-ից մինչև 14-ը Մայր Աթոռում էր գտնվում Եկեղեցիների համաշխարհային խորհրդի պատվիրակությունը, որի կազմում էին Եկեղեցիների համաշխարհային խորհրդի գլխավոր քարտուղար գերհարգելի դոկտ. Վիլյամ Վիսսերտ դը Հուֆտը, Արևելյան Ասիայի քրիստոնյաների կոնֆեդերացիայի գործադիր քարտուղար գերհարգելի Զո Տանը, Եկեղեցիների համաշխարհային խորհրդի գլխավոր քարտուղարի օգնական և Միջազգային հարցերի հանձնախմբի դիրեկտոր դոկտ. Օտտո Նուդեն, Եկեղեցիների համաշխարհային խորհրդի քարտուղարի օգնական և էկումենիկ գործունեության բաժնի դիրեկտոր, Անգլիկան Եկեղեցու քահանա գերհարգելի Ֆրանսիս Հաուսը, էկումենիկ ինստիտուտի դիրեկտորի օգնական դոկտ. Նիկոս Նիսսիտզիսը և Եկեղեցիների համաշխարհային խորհրդի թարգման պր. Ալեքսանդր Դ. Վեյմարը:

Հյուրերին Մոսկվայից ուղեկցում էին Մոսկվայի Պատրիարքարանի արտաքին հարաբերությունների բաժնի նախագահի տեղակալ հոգեշնորհ Տ. Նիկողիմ վարդապետը, Լենինգրադի հոգևոր ճեմարանի դոցենտ արժանապատիվ Տ. Վիտալի քահանան, Մոսկվայի Պատրիարքարանի արտաքին հարաբերությունների բաժնի անդամ պր. Վիկտոր Ալեքսեևը, Մոսկվայի Պատրիարքարանի արտաքին հարաբերությունների բաժնի թարգման Ալեքսանդր Կապրալովը:

Մեծարգո հյուրերը Սովետական Միություն են եկել Մոսկվայի և համայն Ռուսիո Պատրիարք Նորին Սրբություն Ալեքսիի հրավերով: Մինչև Ս. Էջմիածին գալը նրանք այցելել են Մոսկվա, Լենինգրադ և Ռիգա:

Դեկտեմբերի 11-ի շաբաթ օրը, առավոտյան ժամը 9.30-ին Մոսկվա—Երևան ինքնաթիռը վայրէջք է կատարում Երևանի օդանավակայանում, բերելով իր հետ Եկեղեցիների համաշխարհային խորհրդի պատգամավորներին և նրանց ուղեկցող անձանց:

Հանուն Վեհափառ Հայրապետի, պատվիրակությունը դիմավորելու համար օդանավակայանում են Մայր Տաճարի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը, Վրաստանի հայոց թեմակալ առաջնորդ գերաշնորհ Տ. Կոմիտաս եպիսկոպոս Տեր-Ստեփանյանը, Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահի տեղակալ պր. Ս. Հովհաննիսյանը, Արարատյան թեմի առաջնորդական փոխանորդ հոգեշնորհ Տ. Վահան վարդապետ Տերյանը և Մայր Աթոռի դիվանապետ պր. Հ. Առաքելյանը:

Օդանավակայանում հյուրերին բարի գալուստյան ճառով ողջունում է գերաշնորհ Տ. Սահակ արքեպիսկոպոսը: Ծնորակալության փոխադարձ ճառով հանդես է գալիս պատվիրակության ղեկավար գերհարգելի դոկտ. Վիլյամ Վիսսերտ դը Հուֆտը: Փոքր դադարից հետո մեծարգո հյուրերը առաջնորդվում են Երևանի «Արմենիա» հյուրանոցը:

Նույն օրը, ցերեկվա ժամը 12-ին, պատգամավորություն ուղևորվում է Ս. Էջմիածին՝ պաշտոնական այցելություն տալու Նորին Ս. Օծություն վազգեն Ա Կաթողիկոսին:

Հյուրերին Մայր Տաճարի բակում դիմավորում են Հոգևոր Ծեմարանի վերատեսուչ գերաշնորհ Տ. Հայկազուն եպիսկոպոս Աբրահամյանը և Մայր Տաճարի փոխ-լուսարարապետ հոգեշնորհ Տ. Եղիշե վարդապետ Սարգսյանը: Պատվիրակությունը, նախքան վեհարան մտնելը, այցելում է Մայր Տաճար, որի դռան առջև նրանց պատշաճ կերպով ընդունում է Մայր Աթոռի ողջ միաբանությունը, գլխավորությամբ լուսարարապետ սրբազանի:

Մայր Տաճարում աղոթելուց հետո, հյուրերը առաջնորդվում են վեհարան, ներկայա-

«Մենք, որպես հյուրը Մոսկվայի և համայն Ռուսիո Պատրիարքի, այցելեցինք Սովետական Միություն: Մեր այցելության գերագույն նպատակը բարի է՝ ծանոթանալ եկեղեցական կյանքին Սովետական Միության մեջ: Այսօր մենք գտնվում ենք քրիստոնեության հնադարյան մի մեծ կենտրոնի մեջ: Մեզանից ամեն մեկը գիտեմ Հայաստանյայց եկեղեցին իր հնադարյան փառքի մեջ: Մենք ուրախ ենք նաև, որ ոտք դնելով Հայաստանի հողի վրա, առիթ ունեցանք տեսնելու նաև տասնյակ տարիներով երազված սուրբ լեռը՝ բիբլիական ու հավերժական Արարատը, որի հովանու ներքև է գտնվում Ս. Էջմիածնի մայրավանքը: Այստեղ Ձերդ Սրբության առջև խոնարհաբար պիտի ասեմ, որ հնադարյան Հայ եկեղեցին իր մասնակցությունը մի



ՎԵՀԱՓԱՌ ՀԱՅՐԱՊԵՏՐ ԵՎ ԵԿԵՂԵՑԻՆԵՐԻ ՀԱՄԱՇԽԱՐՀԱՅԻՆ ԽՈՐՀՐԴԻ ՊԱՏՎԻՐԱԿՈՒԹՅՈՒՆՆԵՐ
ՎԵՀԱՐԱՆԻ ԾԱՂԿՅԱ ԴԱՀԼԻՃՈՒՄ

նալու վեհափառ Հայրապետին, որը բարի գալուստ է մաղթում նրանց:


Պատգամավորության ղեկավար, Եկեղեցիների համաշխարհային խորհրդի քարտուղար դոկտ. Վիլյամ Վիսսերտ դը Հուֆտը պատգամավորության անունից շնորհակալություն է հայտնում վեհափառ Հայրապետին ջերմ ընդունելության համար և ասում.

քանի առիթներով բերել է Եկեղեցիների համաշխարհային խորհրդի մեր նիստերին: Մենք միշտ հաճույքով ենք հիշում Ձեր արքեպիսկոպոսներից Նրուսադեմի ներկայի պատրիարք Տիրան արքեպիսկոպոսի մասնակցությունը մեր ժողովներին: Ցանկալի է նշել, որ մենք այստեղ, Սովետական Միության մեջ ապանառես եղանք այն սիրալիր և

եղբայրական համագործակցությանը, որ գոյություն ունի քրիստոնեական եկեղեցիների միջև: Մեր այցելության նպատակներից ամենակարևորն այն է, որ զորացնենք կապերը եկեղեցիների համաշխարհային խորհրդի և Հայ եկեղեցու միջև: Մեզ համար ցանկալի է, որ Ձեր եկեղեցին իր մասնակցությունը բերի մեր Խորհրդի նիստերին ընդհանրապես:

Նորին Ս. Օծությունը իր պատասխան խոսքում շնորհակալություն է հայտնում հյուրերին և պատգամավորության նախադաս դուկտ. Վիլյամ Վիսսերտ զը Հուֆտին՝ նրա Հայ եկեղեցու հասցեին արտասանած այնքան ջերմ խոսքերի համար:

«Մենք շատ երջանիկ ենք, որ Սովետական Միություն այցելող բարձրաստիճան հոգևո-



ՄԱՅՐ ՏԱՃԱՐԻ ՆՈՐԱԿԵՐՏ ՄԱՐՄԱՐՅԱ ԱՎԱԳ Ս. ՍԵՂԱՆԸ

(Արժիւնների գլուխների վրա դրվելու են մարմարե խաչկալ սյուների)

Ձերդ Սրբություն, թույլ տվեք կրկին շնորհակալություն հայտնել Ձեր հյուրընկալության և հյուրասիրության համար և որպես հիշատակ մեր այս այցելության, խոնարհաբար խնդրում եմ ընդունել այս փոքրիկ հիշատակը, նկարների այս ավելումը:

րականներու Ձեր պատվիրակությունը ընդունեց Մեր առաջարկը ու եկավ նաև էջմիածին: Անկեղծորեն, Մենք իրոք կսպասեինք, որ այս այցելությունը անպայման տեղի ունենար: Մենք բոլորս ֆրստունյաներ ենք և ինչքան իրար լավ նանչեանք և մոտենանք

իրարու, կխառնիմ, քե այնքան ավելի օգտակար կըլլա քրիստոնեական եկեղեցիին ընդհանրապես, և այնքան ավելի երջանիկ կըլլան հոգեպես մեր եկեղեցիները: Մեծահարգ դուք. Վիսսերտ զը Հուֆտ ակնարկեց իրավամբ՝ սովետական երկիրներու քրիստոնեական եկեղեցիներու սիրտ հարաբերություններուն: Իրոք որ Մեզ համար երջանկություն է, որ այնքան ջերմ բարեկամական հարաբերություններ կան Ռուս Պրովոսպի եկեղեցիի և մեր եկեղեցիի միջև: Մեր ցանկությունն է, որ նման բարեկամական հարաբերություններ հնարավոր չափով տարածվին բոլոր քրիստոնյա եկեղեցիներու վրա: Այս, մասնավաճ այն պատճառով, որ մեր եկեղեցին Հայ եկեղեցին ցոված կապի աշխարհի մեջ: Մենք շատ ուրախ ենք, որ դուք. Վիսսերտ զը Հուֆտ ակնարկեց նաև այն սիրայի հարաբերություններուն, որ կան մեր և Անգլիկան եկեղեցիի միջև երեսակցեմ: Ուրախ ենք նույնպես, որ երեսակցեմի հայոց պատրիարք Տիրան արքեպիսկոպոս Ներսիսյան միշտ սերտ կապեր պահած է Ձեզ և Ձեր էկումենիկ շարժման հետ: Մենք հույս ունինք, որ մեր եղբայրական կապերը հետզհետե ավելի կամրապնդվին ու արդյունավետ կդառնան, մեզ առավել զորացնելով իբրև եկեղեցի: Ձեր և մեր մտածումները և զգացումները իրար հետ կներկայանալին և մեր աղոթքները միասնեղ կբարձրանան առ Աստված: Անգամ մը ևս Մենք բարի գալուստ կմաղթենք Ձեզ բոլորից, և հույս ունինք, որ հանելի օրեր պիտի անցնենք մեր մեջ. Ս. էջմիածնի Մայր Տանարի կամարներուն տակ, սուրբգրական Աբարատի փեշերուն:

Բարի եկաք, հազար բարով, և Տերը մեզ օգնական»:

Պաշտոնական այս ընդունելությունից հետո հարգելի Հյուրերը առաջնորդվում են Հոգևոր Ճեմարան և գրադարան, որտեղ նրանց ընդունում է Հոգևոր Ճեմարանի վերատեսուչ գերաշնորհ Տ. Հայկազուն եպիսկոպոս Աբրահամյանը, իր հետ ունենալով մի քանի դասախոսներ: Սրբազանը անգլերեն լեզվով բացատրություն է տալիս Հյուրերին Ճեմարանի ներկա վիճակի և նրա ապագա հեռանկարների մասին, մանրամասն ծանոթացնում է Ճեմարանի ուսումնական ծրագրին, որից հետո Հյուրերը այցելում են դասարանները և լսում դասախոսություններ:

Ապա Հյուրերը այցելում են «Էջմիածին» ամսագրի խմբագրությունը, որտեղ խմբագիր Ա. Հատիտյանը բացատրություններ է տալիս Հյուրերին ամսագրի հրատարակության, տպագրականի և Մայր Աթոռի այլ հրատարակությունների մասին:

Հարգելի Հյուրերը ապա առաջնորդվում են Մայր Տաճար, հանգամանորեն ծանոթանում նրա պատմության և ճարտարապետական առանձնահատկություններին, այցելում նաև եկեղեցական արվեստի թանգարանը:

Հյուրերը ցանկություն են հայտնում տեսնելու նաև Էջմիածին քաղաքի մյուս սրբավայրերը՝ Ս. Հովհաննիսի, Ս. Գայանեի, Ս. Վայրերը՝ Ս. Հովհաննիսի եկեղեցիները և Զվարթնոցը: Տեղակաթի եկեղեցիները և Նշանահատկության հայ ճարտարապետության նշանավոր հուշարձանների մասին տրվում են համապատասխան բացատրություններ: Վկայարանները և Զվարթնոց եկեղեցու ավերակները դիտելուց հետո հարգելի Հյուրերը վերադառնում են Վեհարան անմոռանալի տպավորություններով: Մանավաճ Ս. Հովհաննիսի տաճարը, իր վերանորոգված վիճակում, հիացրել էր նրանց:

Ժամը 4-ին Վեհարանում, ի պատիվ հարգածան Հյուրերի, տրվում է ճաշկերույթ, որին, բացի Հյուրերից, ներկա են լինում նաև Մայր Աթոռի միաբանությունը, դիվանագետներ և խմբագիրներ: Ծաշի ընթացքին Վեհարան Հայրապետը կրկին բարի գալուստ է մաղթում Հյուրերին և բաժակ է առաջարկում նրանց գործի հաջողության համար: Պատասխան խոսքում պատգամավորության նախագահ դուք. Վիլյամ Վիսսերտ զը Հուֆտն ասում է.

«...Նորից ես կուզենայի ասել, որ մենք զգացված ենք Ձեր այս սիրալիկ և քրիստոնեական ընդունելությունից: Ձերդ Սրբություն, որտեղ որ մենք լինում ենք, մեզ ընդունում են այնպես, որ կարծես թե մենք մեր տանն ենք: Ձեր ընդունելությունը բացառիկ է մեզ համար. մենք հպարտ ենք, որ տեսանք սուրբ լեռը՝ Արարատը և Ս. Էջմիածինը: Ուրեմն թույլ տվեք խոնարհաբար բաժակ բարձրացնել Ձեր Եկեղեցու և անձամբ Ձերդ Սրբության կենացը»:

Ծաշկերույթն անցնում է սրտագին, ջերմ մթնոլորտում:

Նույն օրը երեկոյան, պատվարժան Հյուրերը ներկա եղան Երևանի Սպենդիարյանի անվան օպերայի և բալետի պետական ակադեմիական թատրոնի բալետի երեկոյին:



Կիրակի, դեկտեմբերի 13-ը, պատմական օր է Ս. Էջմիածնի միաբանության և հայ հավատացյալ ժողովրդի համար, որոնք այնքան հուզվումով հետևում են Մայր Աթոռում տեղի ունեցող շինարարական նորություններին: Ավարտվել է Մայր Տաճարի Ավագ Սեղանի կառուցումը:

Ժամը 11-ն է: Օրվա պատարագին է մեր սիրելի և շինարար Հայրապետը:

Հայրապետական թափորը Վեհարանից առաջնորդվում է Մայր Տաճար: Վեհափառ Հայրապետը բարձրանում է Ս. Սեդան, և հանդիսավոր ու հոգեպարար շարականներով ու աղոթքներով կատարում է Ավագ Սեդանի լվացման կարգը, ջրով ու գինիով, և ապա Սրբալույս Մյուռնով օծում է Ս. Սեդանի նոր վեմը. «Օրհնեսցի, օծցի և սրբեսցի զագաթն աստուածային Ս. Սեդանոյս...»:

Աստված իմ, որքա՛ն իմաստութուն և ջերմութուն կա մեր հոգևոր այս արարողությունների մեջ, որոնք միշտ իմաստավորել են հայ հավատացյալ ժողովրդի հոգևոր կյանքը և մխիթարել նրան:

Սկսվում է հայրապետական սուրբ պատարագը: Դասերում տեղ են գրավել եկեղեցիների համաշխարհային խորհրդի պատվիրակության անդամները իրենց ուղեկիցներով, Հայ եկեղեցու գործերի խորհրդի նախագահ պր. Ս. Գասպարյանը, նախագահի տեղակալ պր. Ս. Հովհաննիսյանը, Ս. Էջմիածնի Գերագույն Հոգևոր Խորհրդի պատվարժան անդամները, մայրաքաղաքից եկած հյուրեր ու Մայր Աթոռի աշխարհական պաշտոնյաներ և բազմաթիվ հրավիրյալներ:

Մայր Տաճարը լեփ-լեցուն է աղոթողներով:

Ս. Սեդանին սպասարկում են գերաշնորհ Տ. Հայկազուն և Տ. Կոմիտաս եպիսկոպոսները, հոգեշնորհ Տ. Եղիշե և Տ. Տիրայր վարդապետները:

Սուրբ պատարագը շարունակվում է մինչև «Հայր մեր»։ Քարոզում է Վեհափառ Հայրապետը:

«Փա՛ռք քեզ, Աստուած, փա՛ռք քեզ, յաղագս ամենայնի, Տէ՛ր, փա՛ռք քեզ»:


«Սիրելի՛» և մեծարգո հյուրեր և սիրելի՛ հայ ժողովուրդ:

Այս Ս. Տաճարի բեմեն ձեզ բոլորիդ ավետիս կուտանք, որ ողորմությամբ Աստուծո, այսօր, կիրակի, դեկտեմբերի 13-ին, համի Տյառն 1959, արժանի եղանք Ս. Մյուռնով օծելու ամենայն հայոց Ս. Էջմիածնի Մայր Տաճարի այս Ավագ Ս. Սեդանը:

Օծեցինք և օրհնեցինք այս մարմարակերտ Ս. Սեդանը «վասն մեծի փառացն Աստուծոյ» և ի վայելումն հայ ժողովուրդի:

Զավակներ՝ Մեր սիրելի, Մեզ համար այսօր ոչ միայն սովորական ուրախության և մխիթարության օր է, այլ մանավանդ խորունկ հուզումներու պահ մը, երբ այս պատմական Տաճարի կամարներուն տակ կօրհնենք և կօծենք վերակառուցված Ս. Սեդանը:

Այսօր պատմական օր է Մեզի և համայն հայ ժողովուրդի ու Հայ եկեղեցվո համար, որովհետև սովորական եկեղեցիի մեջ չէ որ



ՄԱՅՐ ՏԱՃԱՐԻ ԱՎԱԳ Ս. ՍԵԴԱՆԻ ԶԱԽԱՎՈՂՄՅԱՆ ԶԱՌԴԱՔԱՆԴԱԿՆԵՐԸ

կգանվինք և ոչ այ սովորական եկեղեցիի մը Ս. Սեդանն է որ օծեցինք, այլ հայ հավատքի կեդրոն, բոլոր հայ եկեղեցիներու Մայր հանդիսացող Միածնաէջ այս Տաճարի Ս. Սեդանը, զոր նախ Ս. Գրիգոր Լուսավորիչ օծեց և օրհնեց, որ Եդեսի վերջերք, 484 թվականին վերջ, հայրենասեր իշխան Վահան Մամիկոնյանի ձեռնով վերանորոգվեցավ և վերստին օծվեցավ և օրհնվեցավ վերակառուցված այս Ս. Սեդանը: Ե դարեն հետո մինչև մեր ժամանակները այս Ս. Տաճարը քանի-քանի անգամներ սրբապղծվեցավ և մասամբ քանդվեցավ և վերստին վերակառուցվեցավ շնորհիվ Աստուծո ողորմության և հայ ժողովուրդի հավատքի, որ միշտ կանգուն և պայծառ պահեց այս Ս. Տաճարը:

Սիրելի՛ ժողովուրդ, երկար է մարտիրոսության պատմությունը այս Ս. Տաճարի, որովհետև երկար է պատմությունը հայ ժողովուրդի մարտիրոսության: Ահա թե ինչու Մեր սրտի խորքեն մեծ հուզումով կկրկենք. «Փա՛ռք քեզ, Աստուած, փա՛ռք քեզ, յաղագս ամենայնի, Տէ՛ր, փա՛ռք քեզ»:

Մեր վերաշինվող Հայրենիքի խաղաղ պայմաններուն մեջ, մեր բոլոր բարի շինարար


ուծերը հավաքած, կարողացանք վերակառուցել և այսօր օծումը կատարել այս նորակերտ Ս. Սեղանի:

Այսուհետև մեր բոլոր աղոթքները, բոլոր հայ հավատացյալներու աղոթքները աշխարհի վրա ուր որ այ անոնք գտնվին, պիտի ուղղվին այս Ս. Սեղանին, վասն բարօրության և վասն երջանկության հայ ժողովուրդի, վասն անասանության և հառաջիմության մեր վերածնած Մայր Հայաստանի, վասն խաղաղության ամենայն աշխարհի և վասն եղբայրակցության բոլոր եկեղեցիներու:

Ահա այստեղ են համաշխարհային էկոմենիկ շարժման ներկայացուցիչները՝ Ռուս Պրովոսպլ սկեդեցվո ներկայացուցիչները, Եկեղեցիներու համաշխարհային խորհուրդի ներկայացուցիչները Ամերիկայի Միացյալ Նահանգներեն, Անգլիայեն, Հունաստանեն և Հեռավոր Արևելքեն:

Ահա սկեդեցիներ, որոնք այնքան տարածված են և այնքան մեծ ուժ մը կ'եներկայացնեն աշխարհի մեջ:

Այս սուրբ առիթով մենք կողջունենք անոնց ժամանումը այստեղ և կ'աղոթենք առ Աստված, որ մեր բոլոր բարի ցանկությունները իրականանան: Այդ բարի ցանկություն-




ՄԱՅՐ ՏԱՃԱՐԻ ԴԱՍԸ ԱՏՅԱՆԻՑ ԲԱԺԱՆՈՂ ՄԱՐՄԱՐՅԱ ՃԱՂՆՐԻ ԵՐԿԱԹՅԱ ԴՈՒՌԸ

Այս սուրբ պահուն Մենք մեծապես մխիբարված ենք, որ մեր մեջ կ'գտնվին բարձրաստիճան եկեղեցական հյուրեր աշխարհի բոլոր կողմերեն: Մենք չէինք նախատեսեր, որ Ս. Սեղանի օծումը պիտի զուգադիպի մեր հարգելի հյուրերու գալուն: Ուրախ ենք սալայն, որ այդպես եղավ:

Իբրև ֆրիստոնյա հավատացած ենք, որ հնադարյան այս Ս. Տաճարը՝ էջմիածինը ոչ միայն հայ ժողովուրդի սրբությունը կ'հանդիսանա, այլ նաև իր պատմությամբ և նարտարապետությամբ՝ համաֆրիստոնեական հավատքի և արվեստի կոթողը:

Ներու շարին Մենք կուզենք հիշատակել Մեր անկեղծ իղձը, որ իրականություն դառնա աշխարհի բոլոր ֆրիստոնյա եկեղեցիներու միջև եղբայրական սիրո և համագործակցության հաստատումը և ամրապնդումը: Եվ այս հանդիսավոր առիթով կ'կամենանք անգամ մը ևս հայտնել Մեր նույնքան անկեղծ իղձը, որ մեր Ս. եկեղեցին ևս, Հայ եկեղեցին հեռու չմնա այդ շարժումեն, և հետզհետե առավել սերտացնե իր բարեկամական կապերը եկեղեցիներու համաշխարհային խորհուրդի հետ:



ՄԱՅՐ ՏԱՃԱՆՈՒ ԱՂԱԳ ՍԵՂԱՆԻ ԱՐԴԱՐԱԸ

Մենք կհավատանք, որ համբերատար ու հետևողական աշխատանքով, լավատեսությամբ ոգիով և մանավանդ աշխարհի խաղաղության պայմաններում մեջ ժողովուրդները և եկեղեցիները պիտի կարողանան առավել մոտենալ իրարու, առավել հասկնալ զիրար, առավել եղբայրանալ ու գործակցիլ, առավել հաջողությամբ իրագործելու համա՝ սուրբ նպատակներ և երազներ:

Թող Աստուծո՛ւ օրհնությունը և մեր Տիրոջ սերը և խաղաղության ոգին իջնեն մեր բոլորի վրա և առաջնորդեն մեզ՝ ի մխիթարություն բոլոր ժողովուրդներում և ի պայծառություն բոլոր եկեղեցիներում: Ամեն»:

Քարոզից հետո շարունակվում է հայրապետական սուրբ պատարագը, որից հետո Վեհափառ Հայրապետը եկեղեցական թափորով առաջնորդվում է Վեհարան, որտեղ միաբանության և հավատացյալ հայ ժողովրդի անունից լուսարարապետ գերաշնորհ Տ. Սահակ արքեպիսկոպոսը շնորհավորում է Վեհափառ Հայրապետին Ս. Սեղանի օծման առթիվ և մի անգամ ևս ոգեկոչում է հիշատակը Մայր Աթոռի մեծ բարերար Գալուստ Կյուպենկյանի և նրա աղնիվ տիկնոջ, որոնց կտակով վերակառուցվել է Մայր Տաճարի Ավագ Սեղանը, այլ նորոգությունների հետ:

Հանդիսության վերջում Վեհափառ Հայրապետը օրհնում է հիշատակը Կյուպենկյան գերդաստանի, շնորհակալություն է հայտնում Ս. Սեղանի օծման առթիվ արտահայտված զգացմունքների համար, ապա օրհնում բոլոր ներկաներին:

Նույն օրը, հետմիջօրեի ժամը 2.30-ին, Վեհարանի ընդունելության սրահում տեղի է ունենում պաշտոնական խորհրդակցություն Վեհափառ Հայրապետի, Գերագույն Հոգևոր Խորհրդի և Եկեղեցիների համաշխարհային խորհրդի պատվիրակության միջև: Զեռն մթնոլորտում տեղի է ունենում մտքերի փոխանակություն Հայ Եկեղեցու և Եկեղեցիների համաշխարհային խորհրդի փոխհարաբերությունների և եղբայրական կապերի սերտացման մասին:

Խորհրդակցությունից հետո, ժամը 4-ին, ի պատիվ հյուրերի, կազմակերպված էր ճաշկերույթ Հոգևոր Ճեմարանի մեծ դահլիճում: Նախագահում էր Վեհափառ Հայրապետը: Բացի մեծարգո հյուրերից ներկա էին նաև Մայր Աթոռի միաբանությունը, Գերագույն Հոգևոր Խորհրդի և Վերստուգիչ հանձնաժողովի անդամները, վանքի պաշտոնեությունը և այլ հյուրեր:

Ընդունելությանը ներկա էին նաև Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահ պր. Ս. Գասպարյանը և Խորհրդի նախագահի տեղակալ պր. Ս. Հովհաննիսյանը:

Ընդունելությունն անցավ ջերմ և սրտագին մթնոլորտում: Բաժակներ են առաջարկվում Վեհափառ Հայրապետի, Եկեղեցիների համաշխարհային խորհրդի ներկայացուցիչների, հայրենի կառավարության և նրա ներկայացուցչի, հովվապետների կենաց և ճառեր են փոխանակվում: Ծաղկերույթին մեջընդմեջ երգում էր Հոգևոր Ճեմարանի երգչախումբը: Բարեկամական և քրիստոնեական սիրալիր մթնոլորտում վերջացավ ընդունելությունը Վեհափառ Հայրապետի օրհնությամբ:

Ապա հյուրերը առաջնորդվում են Վեհարան՝ հրաժեշտ առնելու Վեհափառ Հայրապետից: Նորին Սրբությունը, խորապետ հուզված, իր գոհունակությունն է հայտնում այս այցելության համար և բարձրաստիճան հյուրերին բարի ճանապարհ է մղվում՝ ցանկանալով նրանց սուրբ գործին լիակատար հաջողություն: Նվ ի հիշատակ նրանց այս այցելության, նվիրում է Ս. էջմիածնի պատկերներով արծաթյա ափսեներ, իսկ պատվիրակության ղեկավար գերհարգելի քարտուղարին՝ Ս. էջմիածնի ջրաներկ մեծադիր պատկերը Արարատի ֆոնի վրա: Մի վերջին անգամ պատվիրակության անունից շնորհակալության խոսք է ասում Եկեղեցիների համաշխարհային խորհրդի քարտուղար դոկտ. Վիլյամ Վիսսերտ դը Հուֆտը և ապա ողջագուրվում է Վեհափառ Հայրապետի և ներկաների հետ, տանելով իր հետ Ս. էջմիածնի և Վեհափառ Հայրապետի օրհնությունները:

Հաջորդ օրը, երկուշաբթի, սեպտեմբերի 14-ին, հյուրերը Երևանի օդանավակայանումն են: Նրանց ճանապարհելու համար եկել են Մայր Տաճարի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը, գերաշնորհ Տ. Կոմիտաս եպիսկոպոս Տեր-Ստեփանյանը, Հայ Եկեղեցու գործերի խորհրդի նախագահի տեղակալ պր. Ս. Հովհաննիսյանը և Արարատյան թեմի առաջնորդական փոխանորդ հոգեշնորհ Տ. Վահան վարդապետ Տերյանը:

Հյուրերը հրաժեշտ են առնում ներկաներից և ժամը 10-ին ինքնաթիռը օդ է բարձրանում, տանելով իր հետ հյուրերին, որոնք մեկնում են լավագույն տպավորություններով:

ԵԴՆԵՆ ՎԱՐԴԱՊԵՏ ՍԱՐԳՍՅԱՆ

